



Selamat Datang  
Ke Laman Portal  
Universiti Putra Malaysia

UTAMA | FAKTA & ANGKA | MEDIA | DIREKTORI KAKITANGAN | LOKASI | PETA LAMAN | SOALAN LAZIM | HUBUNGI KAMI

CARI



Khamis, Julai 18, 2013

MENGENAI KAMI | PENYELIDIKAN | AKADEMIK | JARINGAN | ANTARABANGSA | KEHIDUPAN KAMPUS  
PERKHIDMATAN

| A- | A |  
A+ | ENGLISH

## BERITA »

### UPM, ELS, tingkat pengajaran Bahasa Inggeris di kampus



**SERDANG, 13 Jun (UPM)** – Universiti Putra Malaysia (UPM) dan ELS Educational Services, sebuah institusi pengajaran Bahasa Inggeris bertaraf dunia, telah memeterai satu perjanjian berkenaan bahasa itu di sini.

Memorandum persefahaman tersebut telah ditandatangani oleh Naib Canselor UPM, Prof. Datuk Dr. Mohd Fauzi Ramlian, manakala di pihak ELS pula ditandatangani oleh Mark Harris, Presiden yang juga Ketua Pegawai Eksekutifnya.

Ianya dilangsungkan bersempena dengan persidangan dan ekspo tahunan NAFSA (Association of International Educators) di St. Louis, Amerika Syarikat pada 29 Mei, 2013.

Perjanjian tersebut mengandungi hasrat bersama kedua belah pihak untuk meningkatkan penguasaan Bahasa Inggeris di kalangan pelajar UPM.

Menurut satu kenyataan yang dikeluarkan oleh ELS hari ini, memorandum persefahaman itu juga menyokong pergerakan pelajar di peringkat global melalui pengambilan pelajar antarabangsa yang layak bagi kemasukan ke UPM, serta galakan sebagai laluan antarabangsa antara UPM dengan jaringan rakan kongsi ELS di lebih 650 universiti di seluruh dunia.

Ia menawarkan 69 lokasi pengajian bagi pengajaran Bahasa Inggeris di kampus-kampus universiti, termasuk di kampus UPM Serdang, serta di tempat-tempat lain seperti di Amerika Syarikat, Kanada, Eropah, Australia dan China.

Selain itu, ELS juga mempunyai 14 lagi pusat pengajaran Bahasa Inggeris di Indonesia, Malaysia, Oman, Panama, Arab Saudi dan Korea Selatan.

Sejak penubuhannya lebih 50 tahun lalu, ELS telah membantu lebih daripada 1.1 juta pelajar antarabangsa mencapai matlamat peribadi mahupun profesional melalui latihan persediaan Bahasa Inggeris serta rundingan profesional.

UPM merupakan sebuah universiti penyelidikan bertaraf 6 bintang di Malaysia dengan jumlah purata pendaftaran seramai 30,000 pelajar, yang mana 3,000 daripadanya merupakan pelajar antarabangsa. - UPM

Lh/Kam

